

# 2025




## ՀԱՂՈՐԳՈՒՄ

ԿՈՌՈՒՊՑԻՈՆ ԲՆՈՎԹԻ ՀԱՆՏԱԳՈՐԾՈՒԹՅՈՒՆՆԵՐԻ  
ՔՆՆՈՒԹՅԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ






◆ Ըստ Ներքին գործերի նախարարության հանցավորության վիճակագրության և հետազոտական կենտրոնից ստացված տվյալների՝ 2025 թվականի ընթացքում Հայաստանի Հանրապետությունում արձանագրվել է կոռուպցիոն հանցագործության 996 դեպք (2024 թվականին՝ 1116): Նախորդ տարվա համեմատությամբ՝ հանցագործության դեպքերը նվազել են 120-ով կամ 10,8%-ով:



Կոռուպցիոն հանցագործությունների թվի նվազումը հիմնականում պայմանավորվել է կաշառք տալու (2025 թվականին՝ 100 դեպք, 2024 թվականին՝ 153), կաշառք ստանալու (2025 թվականին՝ 114 դեպք, 2024 թվականին՝ 245), պաշտոնեական կեղծիքի (2025 թվականին՝ 85 դեպք, 2024 թվականին՝ 99), իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով վստահված գույքը հափշտակելու (2025 թվականին՝ 64 դեպք, 2024 թվականին՝ 79), պաշտոնատար անձի նկատմամբ ունեցած իրական կամ ենթադրյալ ազդեցությունն օգտագործելու նպատակով ապօրինի վարձատրություն տալու (2025 թվականին՝ 3 դեպք, 2024 թվականին՝ 17) դեպքերի նվազմամբ:





Հաշվետու ժամանակահատվածում աճել են իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով խարդախության (2025 թվականին՝ 41 դեպք, 2024 թվականին՝ 26), մասնավոր ոլորտում ծառայողական լիազորությունները կամ դրանցով պայմանավորված ազդեցությունը չարաշահելու (2025 թվականին՝ 49 դեպք, 2024 թվականին՝ 38), իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով փողերի վաճման (2025 թվականին՝ 46 դեպք, 2024 թվականին՝ 15), պաշտոնատար անձի կողմից իշխանական կամ ծառայողական լիազորությունները կամ դրանցով պայմանավորված ազդեցությունը չարաշահելու կամ լիազորություններն անցնելու (2025 թվականին՝ 389 դեպք, 2024 թվականին՝ 364), Հայաստանի Հանրապետության օրենսդրությամբ սահմանված՝ հայտարարագիր ներկայացնելու պարտականություն ունեցող անձի կողմից հայտարարագրում կեղծ տվյալներ ներկայացնելու, հայտարարագրման ենթակա տվյալները թաքցնելու կամ հայտարարագիր չներկայացնելու (2025 թվականին՝ 22 դեպք, 2024 թվականին՝ 13) դեպքերը:

**Հայաստանի Հանրապետությունում երկրորդ տարին անընդմեջ գրանցվում է կոռուպցիոն հանցագործությունների թվի նվազում (2023 թվական՝ 1368, 2024 թվական՝ 1116, 2025 թվական՝ 996):**

2025 թվականի ընթացքում կոռուպցիոն բնույթի հանցագործությունների վերաբերյալ ստացվել է 2127 հաղորդում (2024 թվականին՝ 2297), որոնցից 1118-ով նախաձեռնվել է քրեական վարույթ՝ 2024 թվականի 1175-ի դիմաց, իսկ 1009-ով վարույթ չի նախաձեռնվել:

2025 թվականի ընթացքում նախաքննական մարմինների կողմից քննվել է կոռուպցիոն բնույթի հանցագործությունների վերաբերյալ 3024 քրեական վարույթ (2024 թվականին՝ 3526): 2024 թվականի համեմատությամբ՝ քննված քրեական վարույթների թիվը նվազել է 502-ով կամ 14,2%-ով:

2025 թվականի ընթացքում նախաքննական մարմինների վարույթում քննված 3024 քրեական վարույթից ավարտվել է 980-ը (2024 թվականին՝ 1097), որոնցից 669-ը կարճվել է (2024 թվականին՝ 880), այդ թվում՝ 489-ը՝ արդարացման (2024 թվականին՝ 473), իսկ 180-ը՝ ոչ արդարացման հիմքերով (2024 թվականին՝ 407): 311 քրեական վարույթ՝ 772 անձի վերաբերյալ (2024 թվականին՝ 217 քրեական վարույթ՝ 493 անձի վերաբերյալ) մեղադրական եզրակացությամբ ուղարկվել է դատարան: 411 քրեական վարույթ միացվել է այլ քրեական վարույթների, իսկ անավարտ է մնացել 1329 քրեական վարույթ:



1. Նախաքննության վերաբերյալ վիճակագրական տվյալները ներկայացված են ըստ «Դատախազի աշխատանքի մասին» վիճակագրական հաշվետվության ձևի և նախաքննական մարմինների կողմից տրամադրված վիճակագրական տվյալների համադրման:



**Ըստ կոռուպցիոն ընտյթի առանձին հանցատեսակների՝ հաշվետու տարում ընկված քրեական վարույթների շարժը ներկայացվում է ստորև.<sup>2</sup>**


Քրեական օրենսգրքի հոդվածը	Ստացված հարցրումների թիվը	Նախանձեռնված վարույթների թիվը	Քննված վարույթների թիվը	Կարճված վարույթների թիվը	Մեղադրական եզրակացությամբ իրավասու դատարան հանձնված գործերի թիվը (գործ/անձ, որից կալանքի տակ գտնվող)	Մնավարտ մնացած վարույթների թիվը (որոնցով կալանքի տակ գտնվող անձանց թիվը)	Մեղադրական դատավճիռների թիվը (գործ/մարդ)
218-220-րդ հոդվածներ	6	6	19	2	2/5	14	4/9
221-րդ հոդված	8	8	9	2	3/5	2	-
231-րդ հոդված	-	-	1	-	-	1	-
255-րդ հոդվածի 2-րդ մաս, 2-րդ կետ և 3-րդ մաս	67	67	163	20	15/23 3 անձ գտնվել է կալանքի տակ	78 1 անձ գտնվել է կալանքի տակ	4/7
256-րդ հոդվածի 2-րդ մաս, 2-րդ կետ և 3-րդ մաս	164	164	485	150	46/122 3 անձ գտնվել է կալանքի տակ	210 4 անձ գտնվել է կալանքի տակ	16/25
258-րդ հոդվածի 2-րդ մաս, 9-րդ կետ և 3-րդ մաս	2	2	5	1	-	2	-
272-րդ և 273-րդ հոդվածներ	15	15	36	7	8/23	10	1/1
276-րդ հոդված	6	6	13	7	1/1	2	-
277-րդ հոդված չարաշահելով	54	52	174	40	4/5	73	-
282-րդ հոդվածի 2-րդ մաս 1-ին կետ և 3-րդ մաս	1	1	1	-	-	-	-
284-րդ հոդվածի 2-րդ մաս, 2-րդ կետ և 3-րդ մաս	3	3	6	-	-	4	-
296-րդ հոդվածի 3-րդ մաս, 2-րդ կետ	35	33	95	1	26/73 5 անձ գտնվել է կալանքի տակ	42 14 անձ գտնվել է կալանքի տակ	2/4
435-րդ հոդված	134	132	400	52	64/241 5 1 անձ գտնվել է կալանքի տակ	219 3 անձ գտնվել է կալանքի տակ	23/30
436-րդ հոդված	45	45	109	10	44/89 1 անձ գտնվել է կալանքի տակ	32	24/62
437-րդ հոդված	-	-	2	-	-	2	-
438-րդ հոդված	2	2	10	1	3/10	3	1/6
439-րդ հոդված	-	-	1	-	1/2	-	2/4
440-րդ հոդված	11	11	22	1	6/8 1 անձ գտնվել է կալանքի տակ	6	3/4
441-րդ հոդված	397	372	932	208	52/110 2 անձ գտնվել է կալանքի տակ	427 1 անձ գտնվել է կալանքի տակ	10/19
442-րդ հոդված	3	3	7	1	-	4	-
443-րդ հոդված	7	7	13	1	-	8	-
444-րդ հոդված	30	30	57	13	11/12 1 անձ գտնվել է կալանքի տակ	25	5/5
445-րդ հոդված	125	118	290	100	18/35	101	11/15
477-րդ հոդված	-	-	3	1	-	2	-
481-րդ հոդված	-	-	1	1	-	-	-
482-րդ հոդված	2	2	4	-	-	1	-
486-րդ հոդված 2-րդ մաս, 2-րդ կետ և 3-րդ մաս	-	-	5	2	-	2	-
496-րդ հոդված	1	1	3	-	1/1	1	-
497-րդ հոդված	-	-	1	-	-	1	-
549-րդ հոդված	38	38	157	48	6/7	57	1/2

2. Աղյուսակում ներկայացված են միայն այն կոռուպցիոն հանցագործությունները, որոնցով հաշվետու ժամանակահատվածում ստացվել են հարցրումներ, նախանձեռնվել են քրեական վարույթներ, ընկնել են քրեական վարույթներ կամ մեղադրական եզրակացությամբ հանձնվել են իրավասու դատարան: Քրեական օրենսգրքի 221.1-րդ հոդվածով, 232-րդ հոդվածով, 268-րդ հոդվածի 3-րդ մասի 2-րդ կետով, 269-րդ հոդվածի 3-րդ մասի 3-րդ կետով, 274-րդ հոդվածով, 275-րդ հոդվածով և 480-րդ հոդվածով նախատեսված հանցագործություններով հաշվետու ժամանակահատվածում դեպքեր չեն արձանագրվել:  
Շնչ. որում, աղյուսակում ստացված հարցրումների թվի հանրագումարը (1156) չի համապատասխանում 2025 թվականի ընթացքում կոռուպցիոն ընտյթի հանցագործությունների վերաբերյալ ամսական հարցրումների՝ սույն հարցրման մեջ նշված թվին (2127), քանի որ 971 հարցրումների դեպքում հնարավոր չի եղել տալ կոռուպցիոն որևէ հանցանքի համապատասխանության նախնական իրավական գնահատական:



2025 թվականին վերացվել է կոռուպցիոն բնույթի՝

- ▶ քրեական վարույթը կարճելու մասին 68 որոշում, որոնցից 1-ը կամ 1,5%-ը՝ ՀՀ գլխավոր դատախազի կողմից (2024 թվականին՝ 48 որոշում, որոնցից 3-ը կամ 6,3%-ը՝ ՀՀ գլխավոր դատախազի կողմից),
- ▶ քրեական հետապնդում չհարուցելու մասին 2 որոշում (2024 թվականին՝ 7 որոշում),
- ▶ քրեական հետապնդումը դադարեցնելու մասին 2 որոշում, որոնցից 1-ը՝ ՀՀ գլխավոր դատախազի կողմից (2024 թվականին՝ 4 որոշում):



Հաշվետու ժամանակահատվածում կոռուպցիոն բնույթի քրեական վարույթներով՝ վարույթը կարճելու մասին որոշումների դեմ բերվել է 40 բողոք (2024 թվականին՝ 60), որոնցից բավարարվել է 2-ը (2024 թվականին՝ 5) կամ 5%-ը (2024 թվականին՝ 8,3%): Քրեական հետապնդում չհարուցելու մասին որոշումների դեմ բերվել է 14 բողոք (2024 թվականին՝ 7): Նշված բողոքները մերժվել են: Քրեական հետապնդումը դադարեցնելու մասին որոշումների դեմ բերվել է 10 բողոք (2024 թվականին՝ 13), որոնցից 2-ը բավարարվել է (2024 թվականին՝ 3):

Հաշվետու ժամանակահատվածում կոռուպցիոն բնույթի քրեական վարույթներով դատախազների կողմից տրվել է 131 հանձնարարություն (2024 թվականին՝ 168), Քրեական դատավարության օրենսգրքի 185-րդ հոդվածի կարգով ներկայացվել է 27 միջնորդագիր (2024 թվականին՝ 17):



Լրացուցիչ բնության է վերադարձվել 12 քրեական վարույթ՝ 2024 թվականի 9-ի դիմաց. լրացուցիչ բնության վերադարձված քրեական վարույթների թիվը նվազել է 3-ով կամ 33,3%-ով:

2025 թվականին կոռուպցիոն բնույթի քրեական վարույթներով նախաբնությունն իրականացնող անձանց կողմից թույլ տրված իրավախախտումների փաստերով ծառայողական բնությունն անցկացնելու վերաբերյալ դատախազների կողմից ներկայացվել է 2 միջնորդություն:



2025 թվականի ընթացքում դատարաններում քննվել և ավարտվել է կոռուպցիոն բնույթի 157 քրեական գործ (2024 թվականին՝ 163)՝ 282 անձի վերաբերյալ (2024 թվականին՝ 362): Նշված քրեական գործերից 107-ով (2024 թվականին՝ 126) 193 անձ դատապարտվել է (2024 թվականին՝ 272), որոնցից 27 անձ (2024 թվականին՝ 37)՝ ազատազրկման, 27 անձ (2024 թվականին՝ 46)՝ տուգանքի, 9 անձ (2024 թվականին՝ 4)՝ հիմնական այլ պատժի, 133 անձի (2024 թվականին՝ 185) նկատմամբ պատիժը պայմանականորեն չի կիրառվել, 13 անձի (2024 թվականին՝ 17) նկատմամբ կիրառվել են նաև լրացուցիչ պատիժներ: 32 գործով 55 անձ արդարացվել է (2024 թվականին՝ 11 գործով 17 անձ):


**Դատարաններում քննված և ավարտված կոռուպցիոն բնույթի քրեական գործեր**






Դատարանում կարճվել է 18 գործ 34 անձի վերաբերյալ (2024 թվականին՝ 26 գործ 73 անձի վերաբերյալ): 2025 թվականին կարճված 18 գործով անցնող 34 անձից 1-ի (2024 թվականին՝ 1) վերաբերյալ գործը կարճվել է համաներման ակտի կիրառմամբ, 28-ի (2024 թվականին՝ 41) վերաբերյալ՝ վաղեմության ժամկետն անցնելու հիմքով, իսկ 5-ի (2024 թվականին՝ 31) վերաբերյալ՝ այլ հիմքերով:

Դատախազությունում 2025 թվականի ընթացքում ներքին ազդարարման դեպքեր չեն գրանցվել: Ազդարարման միասնական էլեկտրոնային հարթակի միջոցով 2025 թվականին ստացվել է 600 (2024 թվականին՝ 380) հաղորդում, որից 508-ը՝ անանուն, 92-ը՝ տվյալներով: «Օպերատիվ-հետախուզական գործունեության մասին» ՀՀ օրենքով սահմանված կարգով ստուգման է ուղարկվել 352 (2024 թվականին՝ 237) հաղորդում, հիշյալ հաղորդումների ստուգման արդյունքներով նախաձեռնվել է 26 քրեական վարույթ (2024 թվականին՝ 21):



Հաշվետու ժամանակահատվածում Հակակոռուպցիոն կոմիտեում քննված քրեական վարույթներով կոռուպցիոն հանցագործություններ կատարելու համար դատի են տրվել 298 (2024 թվականին՝ 173) նախկին և գործող պաշտոնատար անձ, ովքեր ըստ բնագավառների և զբաղեցրած պաշտոնների հանդիսացել են՝





▶ ԶԶ պաշտոնաթող նախագահ՝ 1 (նույն անձի նկատմամբ քրեական հետապնդում է հարուցվել երկու տարբեր քրեական վարույթների շրջանակներում),

▶ ԶԶ պաշտոնաթող վարչապետ՝ 1,

▶ Ազգային ժողովի պատգամավոր՝ 1,

▶ ԿԱ պետական գույքի կառավարման վարչության պետ՝ 1,

▶ Դատական իշխանության աշխատակից՝ 5, այդ թվում՝

- դատավոր - 2,
- դատավորի օգնական - 2,
- աշխատակից - 1,

▶ Պաշտպանության նախարարության աշխատակից՝ 47, այդ թվում՝

- զինված ուժերի գլխավոր շտաբի պետի տեղակալ - 1,
- զորամասի հրամանատար - 2,
- զորամասի հրամանատարի տեղակալ - 6,
- գումարտակի հրամանատար - 1,
- գումարտակի հրամանատարի տեղակալ - 2,
- վաշտի հրամանատար - 1,
- դասակի հրամանատար - 2,
- ջոկի հրամանատար - 1,
- ծառայության պետ - 5,
- զորակոչային և զորահավաքային համալրման ծառայության աշխատակից - 5,
- բաժնի պետ - 2,
- ՌՌ բաժնի պետի տեղակալ - 1,
- բաժանմունքի պետ - 2,
- աշխատակից - 16,

▶ Արդարադատության նախարարության աշխատակից՝ 6, այդ թվում՝

- ԶԿԱԾ հարկադիր կատարող - 1,
- ԶԿԱԾ աշխատակից - 1,
- ԶԿԶ պետի տեղակալ - 1,
- ԶԿԶ աշխատակից - 3,

▶ ՆԳՆ ոստիկանության աշխատակից՝ 66, այդ թվում՝

- ոստիկանության պետի տեղակալ - 1,
- բաժնի պետ - 3,
- բաժնի պետի տեղակալ - 2,
- գումարտակի հրամանատար - 1,
- վաշտի հրամանատար - 1,
- դասակի հրամանատար - 2,
- տեսուչ - 9,
- ԱՎՎ աշխատակից - 2,
- ոստիկան - 6,
- օպերլիազոր - 2,
- պարեկ - 26,
- աշխատակից - 11,

▶ Զաղաքաշինության, տեխնիկական և հրդեհային անվտանգության տեսչական մարմնի աշխատակից՝ 2, այդ թվում՝

- բաժանմունքի պետ - 1,
- աշխատակից - 1,

▶ Շրջակա միջավայրի նախարարության աշխատակից՝ 14, այդ թվում՝

- ▶ Էկոպարեկ - 6,
- ▶ աշխատակից - 1,
- ▶ «Հայանտառ» ՊՈԱԿ տնօրեն - 1,
- ▶ «Հայանտառ» ՊՈԱԿ աշխատակից - 6,
- ▶ Էկոնոմիկայի նախարարության աշխատակից՝ 1,



- ▶ Առողջապահության նախարարության աշխատակից՝ 4,
- ▶ Տարածքային կառավարման և ենթակառուցվածքների նախարարության աշխատակից՝ 1,
- ▶ Կրթության, գիտության, մշակույթի և սպորտի նախարարության աշխատակից՝ 5,
- ▶ Աշխատանքի և սոցիալական հարցերի նախարարության աշխատակից՝ 5, այդ թվում՝
  - բաժնի պետ - 2,
  - սոցիալական աշխատող - 3,
- ▶ ԲԿ պաշտոնատար անձինք՝ 7, այդ թվում՝
  - վարչության պետ - 1,
  - վարչության պետի տեղակալ - 2,
  - քննիչ - 3,
  - աշխատակից - 1,
- ▶ ՊԵԿ աշխատակից՝ 17, այդ թվում՝
  - բաժնի պետի տեղակալ - 2,
  - տեսուչ - 11,
  - օպերիվագոր - 2,
  - աշխատակից - 2,
- ▶ Բնապահպանության և ընդերքի տեսչական մարմնի տեսուչ՝ 1,
- ▶ ԲՏԱ ռազմաարդյունաբերական կոմիտեի նախագահ՝ 1,
- ▶ Սևնդամթերքի անվտանգության տեսչական մարմնի աշխատակից՝ 6, այդ թվում՝
  - ղեկավար - 1,
  - տեսուչ - 4,
  - աշխատակից - 1,
- ▶ Կադաստրի կոմիտեի աշխատակից՝ 6, այդ թվում՝
  - բաժնի պետ - 1,
  - ստորաբաժանման ղեկավարի տեղակալ - 1,
  - աշխատակից - 4,

- ▶ Ջրային կոմիտեի աշխատակից՝ 3,
- ▶ ԶԶ նախկին վարչապետի անվտանգության աշխատակից՝ 1,
- ▶ Զաղաքապետարանի աշխատակից՝ 32, այդ թվում՝
  - քաղաքապետ - 3,
  - քաղաքապետի տեղակալ - 1,
  - վարչական շրջանի ղեկավար - 3,
  - վարչական շրջանի ղեկավարի տեղակալ - 1,
  - վարչության պետ - 3,
  - վարչության պետի տեղակալ - 1,
  - բաժնի պետ - 3,
  - ԶՈԱԿ տնօրեն - 1,
  - ծառայության պետ - 1,
  - աշխատակից - 15,
- ▶ Մարզպետարանի աշխատակից՝ 9, այդ թվում՝
  - ՊՈԱԿ տնօրեն - 8,
  - ՊՈԱԿ տնօրենի տեղակալ - 1,
- ▶ Համայնքապետարանի աշխատակից՝ 53, այդ թվում՝
  - համայնքի ղեկավար - 28,
  - համայնքի ղեկավարի տեղակալ - 3,
  - բնակավայրի ղեկավար - 9,
  - բաժնի պետ - 7,
  - բաժնի պետի տեղակալ - 1,
  - աշխատակից - 5,
- ▶ Երևանի Մ. Հերացու անվան թիվ 1 հիվանդանոցային համալիրի ակնաբուժական կլինիկայի աշխատակից՝ 1:



**2025 թվականի ընթացքում դատարան հանձնված վարույթների թվում են նաև բազմադրվագ, հանրային հետաքրքրություն ունեցող հետևյալ վարույթները՝**

☐ ՀՀ Նախկին վարչապետի և այլ պաշտոնների զբաղեցրած Հ.Ա.-ի կողմից ձեռնարկատիրական գործունեությանն ապօրինի մասնակցելու, պաշտոնական լիազորությունները չարաշահելու և անցնելու, հանցավոր ճանապարհով ձեռք բերված առանձնապես խոշոր չափերով գույքերն օրինականացնելու, այդ թվում՝

▶ պաշտոնական լիազորություններն անցնելով ավագի արդյունահանմամբ զբաղվող առևտրային կազմակերպության բաժնեմասն իրեն փոխկապակցված անձանց փոխանցելու,

▶ ավագի արդյունահանման ոլորտում առևտրային գործունեություն իրականացնող կազմակերպությունների գործունեությանը մասնակցելու,

▶ իր կողմից հովանավորվող առևտրային գործունեության ընթացքում թույլ տրված խախտումների կապակցությամբ միջոցներ չձեռնարկելու և ծանր հետևանքներ առաջացնելու,

▶ վերագրվող հանցավոր արարքների կատարման արդյունքում առաջացած ֆինանսական միջոցները շարժական ու անշարժ գույքի փոխակերպելու միջոցով օրինականացնելու վերաբերյալ վարույթը:

☐ Երևան քաղաքի Կենտրոն համայնքի ղեկավարի, Երևանի քաղաքապետի և այլ պաշտոններ զբաղեցրած Գ.Բ.-ի կողմից

պաշտոնական լիազորությունների չարաշահմամբ, վերջինիս դրդմամբ այլ պաշտոնատար անձի կողմից պաշտոնական լիազորությունների չարաշահմամբ Երևան քաղաքի Կենտրոն, իսկ հետագայում նաև Երևան համայնքին պատկանող շուրջ 2 միլիարդ 327 միլիոն 584 հազար դրամ արժեք ունեցող 25 անշարժ գույք ձեռք բերելու, 2 անշարժ գույքն իր հետ փոխկապակցված անձին փոխանցելու, ինչպես նաև հանցավոր ճանապարհով ձեռք բերված առանձնապես խոշոր չափերով գույքերը, այլ անձանց օժանդակությամբ, օրինականացնելու վերաբերյալ քրեական վարույթը:

☐ Չինված ուժերում բարձր պաշտոններ զբաղեցրած Հ.Բ.-ի կողմից ձեռնարկատիրական գործունեությանն ապօրինի մասնակցելու, արդյունքում ստացված առանձնապես խոշոր չափերով դրամական միջոցներն օրինականացնելու, ներկայացված հայտարարագրերում գույքերի և եկամուտների վերաբերյալ տվյալները թաքցնելու, առանձնապես խոշոր չափերով գույքերը և եկամուտները չհայտարարագրելու վերաբերյալ քրեական վարույթը:

☐ Երևան քաղաքի ընդհանուր իրավասության քրեական դատարանի դատավորի կողմից կաշառք տվողի օգտին, իր իշխանական և ծառայողական լիազորություններն օգտագործելով, ապօրինի գործողություններ կատարելու և անգործություն դրսևորելու համար խոշոր չափերով կաշառք պահանջելու վերաբերյալ վարույթը:



□ Արմավիրի մարզի ընդհանուր իրավասության դատարանի դատավորի կողմից իշխանական և ծառայողական լիազորությունները չարաշահելու, ծանր հետևանքներ առաջացնելու և ակնհայտ անարդար դատական ակտ կայացնելու վերաբերյալ վարույթը:

□ 2008-2015 թվականների ընթացքում Աբովյանի քաղաքապետի պաշտոնը զբաղեցրած Կ.Գ.-ի կողմից, իր լիազորությունները չարաշահելով Աբովյանի քաղաքապետարանի այլ պաշտոնատար անձանց կամ այլ քաղաքացիների օժանդակությամբ, ընդհանուր՝ 65 դրվագով Աբովյան համայնքի զբոսայգիների, պուրակների և փողոցների տարածքներում գտնվող հողերն ուղղակի վաճառքով կամ կեղծ աճուրդների միջոցով տարբեր անձանց օտարելու (այդ թվում՝ 2 դեպքով, պաշտոնեական դիրքն օգտագործելով, իր հետ փոխկապակցված անձանց հետ նախնական համաձայնությամբ, հանցավոր գործունեության հետևանքով ստացված, առանձնապես խոշոր չափերով գույքը օրինականացնելու) վերաբերյալ վարույթը:

□ Ազգային ժողովի պատգամավոր Յ.Ա.-ի կողմից իր իշխանական լիազորությունները և դրանցով պայմանավորված ազդեցությունն օգտագործելով գործողություն կատարելու դիմաց առանձնապես խոշոր չափերով կաշառք պահանջելու և ստանալու, այլ պաշտոնատար անձի նկատմամբ իր ենթադրյալ ազդեցությունն օգտագործելու համար առանձնապես խոշոր չափերով գումար պահանջելու վերաբերյալ վարույթը:

□ Գյումրի համայնքի ղեկավար Վ.Ղ.-ի կողմից ապօրինի գործողության համար խոշոր չափերով կաշառք պահանջելու, մի խումբ պաշտոնատար անձանց հետ նախնական համաձայնությամբ պաշտոնական կեղծիք կատարելու վերաբերյալ վարույթը:

□ Աբովյան համայնքի ղեկավարի պաշտոնը զբաղեցրած Վ.Գ.-ի կողմից իշխանական և ծառայողական լիազորությունները ծառայության շահերին հակառակ օգտագործելու, պաշտոնեական կեղծիք կատարելու, համայնքին պատկանող առանձնապես խոշոր չափերով գույքն ապօրինի ձեռք բերելու և օրինականացնելու վերաբերյալ վարույթը:

□ Վաղարշապատ համայնքի ղեկավարի պաշտոնը զբաղեցրած Դ.Գ.-ի կողմից, իր հետ փոխկապակցված անձանց օժանդակությամբ, իր իշխանական և ծառայողական լիազորություններն ու դրանցով պայմանավորված ազդեցությունն օգտագործելու, լիազորություններն անցնելու, այլ անձանց հետ նախնական համաձայնությամբ, իշխանական և ծառայողական լիազորություններն օգտագործելով, առանձնապես խոշոր չափերով փողերի լվացման վերաբերյալ վարույթը:

**Չաշվետու ժամանակահատվածում կայացված, ինչպես նաև օրինական ուժի մեջ մտած, մի շարք կոռուպցիոն գործերով դատավճիռների մասին տվյալները ներկայացվում են ստորև.**



► 2020 թվականի հունիսի 1-ին ՀՀ ոստիկանության նախկին պետ Վ.Գ.-ին մեղադրանք էր առաջադրվել նախկին Քրեական օրենսգրքի 179-րդ հոդվածի 3-րդ մասի 1-ին կետով (առանձնապես խոշոր չափերով վատնում) (երկու դրվագ) և 308-րդ հոդվածի 2-րդ մասով (ծանրացուցիչ հանգամանքներում պաշտոնեական լիազորությունները չարաշահելը) նախատեսված արարքներ կատարելու համար (երկու դրվագ): 2020 թվականի հունիսի 24-ին դատախազը քրեական գործից անջատված մասը՝ հաստատված մեղադրական եզրակացությամբ, հանձնել էր Երևան քաղաքի առաջին ատյանի ընդհանուր իրավասության դատարան: Դատախազը նաև քաղաքացիական հայց էր հարուցել ամբաստանյալներ՝ ՀՀ ոստիկանության նախկին պետ Վ.Գ.-ի, ՀՀ ոստիկանության պետի նախկին տեղակալ Լ.Ե.-ի, Ոստիկանության ներքին աուդիտի վարչության նախկին պետ Վ.Թ.-ի և Ոստիկանության զորքերի զորամասի նախկին հրամանատար Գ.Գ.-ի դեմ հայցելով՝

- ամբաստանյալ Վ.Գ.-ից՝ հոգուտ Հայաստանի Հանրապետության բռնազանձել 35 միլիոն 200 հազար դրամ,
- ամբաստանյալ Վ.Թ.-ից՝ հոգուտ Հայաստանի Հանրապետության բռնազանձել 6 միլիոն 513 հազար դրամ,
- ամբաստանյալ Լ.Ե.-ից, Վ.Թ.-ից և Գ.Գ.-ից՝ հոգուտ Հայաստանի Հանրապետության համապարտորեն բռնազանձել 7 միլիոն 954 հազար դրամ:

Հակակոռուպցիոն դատարանը 2024 թվականի հուլիսի 9-ի դատավճռով՝ Վ. Գ.-ին մեղավոր է ճանաչել նախկին Քրեական օրենսգրքի 308-րդ հոդվածի 1-ին մասով նախատեսված հանցանքի կատարման մեջ (երկու դրվագ) և ազատել քրեական պատասխանատվությունից՝ վաղեմության ժամկետներն անցնելու հիմքով: Վ.Գ.-ն մեղավոր է ճանաչվել նաև Քրեական օրենսգրքի 256-րդ հոդվածի 3-րդ մասի 3-րդ կետով (երկու դրվագ) և նրա նկատմամբ, որպես պատիժ է նշանակվել յուրաքանչյուր դրվագի համար ազատազրկում՝ 5 տարի ժամկետով: Վ.Գ.-ի նկատմամբ՝ յուրաքանչյուր դրվագով ազատազրկման ձևով նշանակված հիմնական պատիժները մասնակի գումարելու միջոցով վերջնական հիմնական պատիժ է նշանակվել ազատազրկում՝ 6 տարի ժամկետով: 2018 թվականի նոյեմբերի 6-ին ուժի մեջ մտած՝ «Երեքունի-Երևանի հիմնադրման 2800-ամյակի և Հայաստանի առաջին հանրապետության անկախության հռչակման 100-ամյակի կապակցությամբ քրեական գործերով համաներում հայտարարելու մասին» ՀՀ օրենքի 2-րդ հոդվածի 2-րդ մասի 5-րդ կետի կիրառմամբ՝ Վ.Գ.-ն ազատվել է ազատազրկման ձևով նշանակված պատիժը կրելուց:

Ամբաստանյալներ Լ.Ե.-ն, Վ.Թ.-ն և Գ.Գ.-ն ևս մեղավոր են ճանաչվել, ազատվել են քրեական պատասխանատվությունից՝ վաղեմության ժամկետներն անցնելու



հիմքով և, այդ թվում՝ համաներում կիրառելու արդյունքում, ազատվել են ազատագրկման ձևով նշանակված պատիժը կրելուց:

Դատախազության կողմից ներկայացված քաղաքացիական հայցը բավարարվել է մասնակի:

2024 թվականի օգոստոսի 16-ին դատախազը վերաքննիչ բողոք է ներկայացրել:

2025 թվականի մայիսի 27-ին Վերաքննիչ հակակոռուպցիոն դատարանը որոշում է կայացրել Հակակոռուպցիոն դատարանի՝ 2024 թվականի հուլիսի 9-ի դատավճիռը մասնակիորեն բեկանելու և բեկանված մասով նոր դատական ակտ կայացնելու մասին: Մասնավորապես՝ Վերաքննիչ հակակոռուպցիոն դատարանի դատական ակտով Վ.Թ.-ն մեկ դրվագով արդարացվել է և նրա նկատմամբ քրեական հետապնդումը դադարեցվել է Քրեական դատավարության օրենսգրքի 12-րդ հոդվածի 1-ին մասի 1-ին կետի հիմքով:

Վ.Գ.-ից ՀՀ պետական բյուջե, որպես հանցագործություններով պատճառված վնասի հատուցում, 35 միլիոն դրամ բռնագանձելու մասին դատախազի պահանջը բավարարվել է:

Միաժամանակ, Հակակոռուպցիոն դատարանի կողմից բավարարված՝ Լ.Ե.-ի, Վ.Թ.-ի և Գ.Գ.-ի դեմ ներկայացված 7 միլիոն 954 հազար դրամի քաղաքացիական հայցը թողնվել է առանց լուծման, իսկ Վ.Թ.-ի դեմ 6 միլիոն դրամի հայցը բավարարվել է մասնակի: Դատավճիռը մնացած մասով թողնվել է անփոփոխ:

Վերաքննիչ հակակոռուպցիոն դատարանի դատական ակտը մտել է օրինական ուժի մեջ:

▶ 2025 թվականի սեպտեմբերի 30-ին **Վերաքննիչ հակակոռուպցիոն դատարանն անփոփոխ է թողել ՀՀ արդարադատության նախկին նախարար Յ.Թ.-ի վերաբերյալ Երևան քաղաքի առաջին ատյանի ընդհանուր իրավասության դատարանի դատավճիռը՝ մեղավոր ճանաչելով նրան նախկին Քրեական 308-րդ հոդվածի 1-ին մասով նախատեսված հանցանքների կատարման մեջ:** Մեղսագրված արարքները վերաբերել են Յ.Թ.-ի կողմից ՀՀ արդարադատության նախարար աշխատած ժամանակահատվածում պաշտոնական լիազորությունները չարաշահելուն: Մասնավորապես՝ Երևան քաղաքի առաջին ատյանի ընդհանուր իրավասության դատարանը 2024 թվականի սեպտեմբերի 20-ի դատավճռով մեղավոր էր ճանաչել Յ.Թ.-ին՝ նախկին Քրեական օրենսգրքի 308-րդ հոդվածի 1-ին մասով նախատեսված հանցանքների կատարման մեջ (երկու դրվագ) և նրան ազատել քրեական պատասխանատվությունից՝ վաղեմության ժամկետները 2019 թվականին անցած լինելու պատճառաբանությամբ:

Դատավճռի դեմ արարքների վերաորակման և վաղեմության ժամկետի կիրառման մասով, դատախազի կողմից ներկայացվել էր վերաքննիչ բողոք, իսկ պաշտպանների կողմից ներկայացվել էին

բողոքներ՝ ինդրելով ճանաչել նրա անմեղությունը:

Վերաքննիչ հակակոռուպցիոն դատարանը 2025 թվականի սեպտեմբերի 30-ին որոշում է կայացրել բողոքները մերժելու և դատավճիռն անփոփոխ թողնելու մասին:

**Վերաքննիչ հակակոռուպցիոն դատարանի դատավճիռը 2026 թվականի փետրվարի 12-ին մտել է օրինական ուժի մեջ:**

▶ Զակակոռուպցիոն դատարանի՝ 2025 թվականի մայիսի 26-ի դատավճռով՝ **Սիսիան համայնքի նախկին ղեկավար, ԶԶ Ազգային ժողովի «Հայաստան» խմբակցության պատգամավոր Ա.Ս.-ն մեղավոր է ճանաչվել պաշտոնեական լիազորությունները չարաշահելու և պաշտոնեական կեղծիք կատարելու մեջ** նախկին քրեական օրենսգրքի 308-րդ հոդվածի 1-ին մասով և 314-րդ հոդվածի 1-ին մասով: Ա.Ս.-ի հետ հանցակցությամբ նույնաբնույթ արարքներ կատարած 6 անձինք (այդ թվում՝ պաշտոնատար) ևս մեղավոր են ճանաչվել:

Ա.Ս.-ին մեղադրանք էր ներկայացվել Սիսիանի համայնքապետարանի միջոցներով համայնքի կարիքների համար իրականացված գնման գործընթացում, այլ անձանց հետ հանցակցությամբ, պաշտոնեական լիազորությունները չարաշահելու և պաշտոնեական կեղծիք կատարելու համար, որի արդյունքում Սիսիան համայնքին պատճառվել էր 3 միլիոն 631 հազար դրամի գույքային վնաս:

Վաղեմության ժամկետներն անցնելու հիմքով Ա.Ս.-ն ազատվել է քրեական պատասխանատվությունից:

▶ Զակակոռուպցիոն կոմիտեում քննված քրեական վարույթով պարզվել է, որ Արարատի մարզի համայնքներից մեկի բնակիչ Կ.Խ.-ն 2021 թվականի հունիսի 19-ին՝ ժամը 22:00-ի սահմաններում, այցելել է նույն համայնքի բնակիչ Ա.Վ.-ի բնակարան և «Պատիվ ունեմ» կուսակցությունների դաշինքի օգտին յուրաքանչյուր քվեի դիմաց՝ որպես ընտրակաշառք, առաջարկել 30 հազար դրամ: Քաղաքացին մերժել էր առաջարկը: Բացի այդ, Կ.Խ.-ն ընտրակաշառք էր առաջարկել նաև Ա.Վ.-ի երկու դուստրերին: Նրանցից մեկը համաձայնվել էր առաջարկին և ստացել 30 հազար դրամի չափով ընտրակաշառք:

Կ.Խ.-ի գտնվելու վայրը պարզ չլինելու և քննությունից թաքնվելու հիմքերով՝ նրա նկատմամբ 2021 թվականի հուլիսի 1-ին հայտարարվել էր հետախուզում, իսկ Երևան քաղաքի ընդհանուր իրավասության առաջին ատյանի դատարանի՝ 2021 թվականի հուլիսի 2-ի որոշմամբ՝ նրա նկատմամբ որպես խափանման միջոց էր ընտրվել կալանավորումը:

2024 թվականի մարտի 5-ին Կ.Խ.-ն ներկայացել էր Ներքին գործերի նախարարության ոստիկանության Արարատի բաժին, որտեղ ձերբակալվել էր ու ներկայացվել վարույթն իրականացնող մարմին: Զակակոռուպցիոն դատարանի՝ 2024 թվականի մարտի 6-ի որոշմամբ՝ մեղադրյալ Կ.Խ.-ի նկատմամբ կիրառվել

Էին համակցված այլընտրանքային խափանման միջոցներ՝ տնային կալանք՝ 2 ամիս ժամանակով, 1 մլն դրամի չափով գրավ և բացակայելու արգելք:

Հակակոռուպցիոն դատարանի՝ 2024 թվականի մայիսի 17-ի դատավճռով **Կ.Խ.-ն մեղավոր էր ճանաչվել, նրա նկատմամբ վերջնական պատիժ էր նշանակվել ազատազրկումը՝ 4 տարի 6 ամիս ժամկետով (պատիժը պայմանականորեն չէր կիրառվել, սահմանվել էր փորձաշրջան՝ 4 տարի ժամկետով):**

Կ.Խ.-ի նկատմամբ նշանակված պատիժը պայմանականորեն չկիրառելու դեմ Գլխավոր դատախազության կողմից բերվել էր վերաքննիչ բողոք, որը Վերաքննիչ հակակոռուպցիոն դատարանի՝ 2024 թվականի հուլիսի 15-ի որոշմամբ, մերժվել էր:

Վերաքննիչ դատարանի վերոնշյալ որոշման դեմ ՀՀ գլխավոր դատախազի կողմից ներկայացվել էր վճռաբեկ բողոք, որը բավարարվել է:

Մասնավորապես՝ **Վճռաբեկ դատարանը 2025 թվականի ապրիլի 10-ի որոշմամբ փոփոխել է Կ.Խ.-ի վերաբերյալ Հակակոռուպցիոն դատարանի՝ 2024 թվականի մայիսի 17-ի դատավճիռը և այն անփոփոխ թողնելու մասին Վերաքննիչ հակակոռուպցիոն դատարանի՝ 2024 թվականի հուլիսի 15-ի որոշումը, վերացրել է Կ.Խ.-ի նկատմամբ ազատազրկման ձևով նշանակված պատիժը պայմանականորեն չկիրառելը և թողել կրելու 4 տարի 1 ամիս 17 օր ժամկետով ազատազրկումը:**